



Republika e Kosovës
Republika Kosova - Republic of Kosovo
Qeveria - Vlada - Government

Nr. 05/24

Datë: 14.08.2020

Në mbështetje të nenit 92 paragrafi 4. dhe të nenit 93 paragrafi (4) të Kushtetutës së Republikës së Kosovës, duke u bazuar në nenin 4 të Rregullores Nr. 06/2020 për Fushat e Përgjegjësisë Administrative të Zyrës së Kryeministrit dhe Ministrive, e ndryshuar dhe e plotësuar me Rregulloren Nr. 07/2020, në pajtim me nenin 17 dhe 19 të Rregullores së Punës së Qeverisë së Republikës së Kosovës Nr. 09/2011, Qeveria e Republikës së Kosovës, në mbledhjen e mbajtur më 14 gusht 2020, merr këtë:


V E N D I M

1. Riorganizohet Këshilli Kombëtar për Zhvillim Ekonomik të Kosovës.
2. Ndryshohet emërtimi nga "Këshilli Kombëtar për Zhvillim Ekonomik" në "Këshilli Kombëtar për Ekonomi dhe Investime" (KKEI) (në tekstin e mëtejme "Këshilli")
3. Këshilli përbëhet nga:
 - 3.1. Kryeministri, kryesues;
 - 3.2. Ministri i Ekonomisë dhe Ambientit;
 - 3.3. Ministri i Tregtisë dhe Industrisë;
 - 3.4. Ministrija e Financave;
 - 3.5. Ministri i Bujqësisë, Pylltarisë dhe Zhvillimit Rural;
 - 3.6. Ministri i Punës dhe Mirëqenies Sociale;
 - 3.7. Ministri i Arsimit dhe Shkencës;
 - 3.8. Ministri i Drejtësisë;
 - 3.9. Ministri i Infrastrukturës;
 - 3.10. Ministrija e Punëve të Jashtme dhe Diasporës;
 - 3.11. Ministri i Pushtetit Lokal;
 - 3.12. Drejtori i Përgjithshëm i Administratës Tatimore të Kosovës;
 - 3.13. Drejtori i Përgjithshëm i Doganave të Kosovës;
 - 3.14. Drejtori i Përgjithshëm i Agjencisë së Investimeve dhe Përkrahjeve të Ndërmarrjeve në Kosovë;
 - 3.15. Guvernatori i Bankës Qendrore të Kosovës;
 - 3.16. Udhëheqësi i Zyrës së Bankës Evropiane për Rindërtim dhe Zhvillim në Kosovë (BERZH);
 - 3.17. Udhëheqësi i Zyrës së Bankës Botërore në Kosovë (BB);
 - 3.18. Përfaqësuesi i Posaçëm i Bashkimit Evropian në Kosovë (PPBE)/Komisioni Evropian (KE);
 - 3.19. Ambasada e SHBA-së në Kosovë / Agjencia e SHBA-së për Zhvillim Ndërkombëtar (USAID);
 - 3.20. Kryetari i Bordit apo Drejtori Ekzekutiv i Odës Ekonomike të Kosovës;
 - 3.21. Kryetari i Bordit apo Drejtori Ekzekutiv i Odës Ekonomike Amerikane në Kosovë;
 - 3.22. Kryetari i Bordit apo Drejtori Ekzekutiv i Aleancës Kosovare të Biznesit;

- 3.23. Kryetari i Bordit apo Drejtorja Ekzekutiv e Odës Ekonomike Gjermano – Kosovare;
 - 3.24. Kryetari i Bordit apo Drejtori Ekzekutiv i Odës së Afarizmit të Kosovës;
 - 3.25. Kryetari i Bordit apo Drejtori Ekzekutiv i Këshillit të Investitorëve Evropian;
 - 3.26. Kryetari i Bordit apo Drejtori Ekzekutiv i Klubit të Prodhuesve të Kosovës;
 - 3.27. Kryetari i Bordit apo Drejtori Ekzekutiv i Forumit Ekonomik të Grave;
 - 3.28. Kryetarja e Bordit apo Drejtori Ekzekutiv i Dhomës Ekonomike të Grave të Kosovës – G7;
 - 3.29. Kryetari i Bordit apo Drejtorja Ekzekutiv e Shoqatës së Përpunuesve të Drurit;
 - 3.30. Kryetari i Bordit apo Drejtori Ekzekutiv i Asociacionit të Komunave të Kosovës.
4. Kryeministri mund të ftojë edhe anëtarë në mbledhjet e Këshillit, të cilët marrin pjesë në diskutim pa të drejtë vote.
 5. Këshilli ka fushë-veprimtari që të:
 - 5.1. Promovon dialogun midis Qeverisë dhe sektorit privat në hapat e nevojshëm në adresimin e çështjeve më të ngutshme për zhvillimin e sektorit privat dhe përmirësimin e klimës së biznesit në përgjithësi dhe nxitjen e investimeve vendase dhe të huaja;
 - 5.2. Identifikon pengesat kryesore të mjedisit të biznesit në sektorë të ndryshëm të ekonomisë dhe propozon masat për përmirësimin e mjedisit të biznesit dhe klimës së investimeve;
 - 5.3. Propozon dhe ofron këshilla për prioritetet strategjike të Strategjisë Kombëtare për Zhvillim dhe projekte të tjera të zhvillimit, në përputhje me praktikatat më të mira ndërkombëtare;
 - 5.4. I propozon Qeverisë ligje dhe akte nënligjore që kanë të bëjnë me zhvillimin ekonomik dhe përmirësimin e mjedisit të biznesit;
 - 5.5. Bën propozime të mbështetura nga ekspertiza profesionale juridike dhe ekonomike me qëllim të ndryshimit dhe/ose përmirësimit të legjislacionit rregullator për biznesin;
 - 5.6. Miraton planet operative për përmirësimin e mjedisit të investimeve;
 - 5.7. Inicion konsultime dhe bashkëpunim me investitorët potencialë strategjikë;
 - 5.8. Paraqet para Qeverisë raportet për zbatimin e planit operacional për mjedisin e biznesit;
 - 5.9. Bashkëpunon me organizata dhe institucione ndërkombëtare në lidhje me shkëmbimin e përvojave dhe rekomandimeve për përmirësimin e mjedisit të biznesit;
 - 5.10. Përgatit analiza mbi mundësitë e zhvillimit dhe avantazhet krahasuese të Kosovës;
 - 5.11. Fuqizon rolin e komunitetit të biznesit në procesin e zhvillimit ekonomik të vendit;
 - 5.12. Monitoron zbatimin e Programit Qeveritar sa i përket zhvillimit ekonomik;
 - 5.13. Sipas nevojave dhe në përputhje me procedurat respektive, angazhon specialistë për kryerjen e vlerësimeve për përmirësimin e klimës së biznesit.
 6. Obligohet Sekretariati i Këshillit të përgatisë Rregulloren për Punën e KKEI, e cila miratohet nga Këshilli.
 7. Punët profesionale, analitike, teknike dhe administrative të Këshillit i kryen Sekretariati i Këshillit.
 8. Ky vendim shfuqizon Vendimin e Qeverisë nr. 05/24 të datës 17 prill 2015, Vendimin e Qeverisë nr. 07/115 të datës 09 nëntor 2016, Vendimin e Qeverisë nr. 08/70 të datës 15 janar 2016, Vendimin e Qeverisë nr. 16/21 të datës 22 dhjetor 2017, si dhe Rregulloren Nr. 01/2015 për punën e Këshillit Kombëtar për Zhvillim Ekonomik të Kosovës.

9. Vendimi hyn në fuqi në ditën e nënshkrimit.

Avdullah HOTI



Kryeministër i Republikës së Kosovës

Iu dërgohet:

- Zëvendëskryeministrave
- të gjitha ministrive (ministrave)
- Sekretarit të Përgjithshëm të ZKM-ës
- Arkivit të Qeverisë